

FJALA E DEPUTETIT PETRIT VASILI

E HËNË 11 PRILL 2022

Kam vetëm dy fjalë për të thënë. E vetmja logjikë, e vetmja filozofi transparente është veprimi transparent mbi taksat që ngarkohen mbi çmimet, as më shumë dhe as më pak atë që po bëjnë të gjitha vendet e rajonit, por edhe Europa Perëndimore.

Asnjë nuk i zgjidh me borde pazaresh, sepse asnjë nuk bindet se bordet e pazareve janë më të mira dhe më të vërteta sesa transparenca. Në të kundërt, duhet t'i shpjegojmë të gjithë Europës që ne kemi stabilizuar në Shqipëri një filozofi të re; ne jemi fanari, vazhdojmë të jemi fanari dhe nuk i ndahemi fanarit, se ajo, që po bëjnë e gjithë Europa dhe vendet fqinjë, është gabim, se ata nuk dinë, se atje nuk ka influencë fare te çmimet; në Shqipëri ndodh e kundërta.

Ne duhet t'i bindim të gjithë se në Shqipëri, e cila qeveriset nga kjo qeveri, qytetarët janë ndryshe, biznesi është ndryshe, është unik dhe është fanar. Përtej metaforës dhe përtej ironisë, pazari është një tjetër gjëmë që vazhdon e rëndon në xhepat e qytetarëve dhe po i rrënon qytetarët dhe për fatin e tyre të keq po i çon në kufijtë e mjerimit. Është krim që qeveria edhe klientët e saj përqark pasurohen në kohë krizash dhe në kohë luftërash.

Është koha për t'i dhënë fund dhe për t'iu kthyer diskutimit: mos kini frikë nga ulja transparente e taksave, nga ulja e barabartë për të gjithë, dhe nga lejimi i ekonomisë së tregut që të funksionojë. Komunizmi mafioz me pazare bordesh është vetëm shkatërrim për qytetarët.